

Z A B I L J E Š K A

**sa Druge sjednice Komisije za ustavna i zakonodavna pitanja, održane 28.11.2017.
godine 12,00 sati u Hotelu „Evropa“**

Sjednici su prisustvovali: Esmir Brković, Rizama Tukulj, Elvira Imširović-Bolić, Alma Suljkanović (zamjena za Samir Kamenjaković) i Đurđica Čegar
Opravdano odsutni: Branko Matijanić Predrag Šupljeglav i Gojko Grbavac (dostavio pismeno izjašnjenje po svakoj tački dnevnog reda)
Neopravdano odsutni: Enver Adžem i Eldin Mustafić
Sjednici su prisustvovali i: Hamid Suljović (Federalno ministarstvo prostornog uređenja), Šerif Kaljiković (Grad Cazin), Selma Fišek i Zlata Turkić (Savez)

Na sjednici je predložen i usvojen sljedeći

D N E V N I R E D

1. Usvajanje Zabilješke sa Prve konstituirajuće sjednice Komisije
2. Izbor zamjenika predsjednika Komisije
3. Zaključci sa Konferencije AMCS
4. Prijedlog zakona o državnoj službi u Bosansko-podrinjskom kantonu Goražde
5. Zakon o izmjenama i dopunama Zakona o prodaji stanova na kojima postoji stanarsko pravo
6. Zakon o izmjenama i dopunama Zakona o vraćanju, dodjeli i prodaji stanova
7. Nacrt zakona o izmjenama i dopunama Zakona o pravobranilaštvu Tuzlanskog kantona
8. Prijedlog podzakonskih akata vezanih za Zakon o državnoj službi Unsko-sanskog kantona
9. Tekuća pitanja

Sjednicu je vodio Esmir Brković, predsjednik Komisije. Nakon predlaganja, dnevni red je jednoglasno usvojen.

AD1. Primjedbu na Zabilješku dala je Elvira Imširović-Bolić, a ona se odnosi na zaključke o nacrtima zakonskih rješenja na način da se iz zaključka briše “što je više moguće uvrstiti primjedbe jedinica lokalne samouprave” već da, u svrhu preciznosti izjašnjenja, stoji – “uvrstiti primjedbe jedinica lokalne samouprave”. Nakon prihvatanja ove primjedbe Zabilješka je usvojena.

AD2. U okviru ove tačke dnevnog reda, Esmir Brković je iznio problem njegovog angažovanja kao predsjednika Komisije zbog niza okolnosti, prvenstveno lošeg zdravstvenog stanja. Članovi Komisije su **zaključili:**

- **Da se o ovom problemu, kao i izboru zamjenika predsjednika Komisije rasprava vodi na sljedećoj sjednici.**

AD3. Selma Fišek je dala kratke uvodne napomene o Zaključcima sa Konferencije AMCS. Napomenula je da je Savez općina i gradova Federacije BiH, uz podršku Misije OSCE-a u BiH, 31. oktobra/ listopada organizovao Konferenciju gradonačelnika/načelnika i predsjedavajućih općinskih/ gradskih vijeća pod nazivom „Prevencija i suzbijanje korupcije i reformski procesi u FBiH“.

Istakla je da su učesnici Konferencije, nakon održanih prezentacija i panel diskusija, donijeli zaključke o Prevenciji korupcije na lokalnom nivou i Reformskim procesima u Federaciji BiH. Komisija je donijela **zaključak**:

- **Zaključci sa Konferencije AMCS su usvojeni uz jedan suzdržan glas.**

AD4. Zlata Turkić je obavijestila da predstavnici Ministarstva za pravosuđe, upravu i radne odnose Bosansko-podrinjskog kantona Goražde nisu smatrali za potrebno da dođu kao uvodničari za ovu tačku dnevnog reda zbog toga što su prisustvovali raspravi o Nacrtu ovog zakona i da su u Prijedlog zakona o državnoj službi u Bosansko-podrinjskom kantonu Goražde ugradili primjedbe Općine Foča u FBiH.

Nakon rasprave o ovom prijedlogu zakona, **zaključeno je**:

- **Uvidom u primjedbu Općine Foča u FBiH na član 30. stav 3. Nacrta zakona, Komisija konstatuje da predlagač nije do kraja ugradio predložene primjedbe, te se sugeriše istom da, prilikom utvrđivanja konačnog teksta Prijedloga zakona, o tome vodi računa;**
- **Komisija predlaže Predsjedništvu Skupštine Saveza općina i gradova FBiH da, uz predloženu sugestiju, podrži Prijedlog zakona o državnoj službi u Bosansko-podrinjskom kantonu Goražde;**
- **Zaključak Predsjedništva dostaviti Ministarstvu za pravosuđe, upravu i radne odnose i Vladi Bosansko-podrinjskog kantona Goražde.**

AD5.6. Članovi Komisije su se složili da se o Zakonu o izmjenama i dopunama Zakona o prodaji stanova na kojima postoji stanarsko pravo i Zakonu o izmjenama i dopunama Zakona o vraćanju, dodjeli i prodaji stanova vodi zajednička rasprava.

Uvodne napomene o ovim zakonima dao je Hamid Suljović, predstavnik Federalnog ministarstva prostornog uređenja. Napomenuo je da je izrada ovih zakona proizašla iz presuda Ustavnog suda FBiH u kojima je utvrđeno da je povrijeđeno pravo na lokalnu samoupravu općina Stari Grad i Novo Sarajevo u odnosu na ove zakone. Takođe, istakao je da se radi o propisima koji su aktuelni 5-6 godina i u postupku izrade ovih zakona izvršene su brojne konsultacije i većina zahtjeva lokalnog nivoa je usvojeno i ugrađeno. Problemi vezani za ovu oblast mogu se svrstati u 3 kategorije i to na:

1. vlasnike nacionalizovanih i konfiskovanih stanova;
2. nosioce stanarskog prava u stanovima u svojini građana i
3. vojne stanove

Ono što je bitno napomenuti da Vlada FBiH može, donošenjem ovih zakona, riješiti kategorije 2. i 3., dok će se kategorija 1. riješiti donošenjem posebnog zakona – Zakona o restituciji.

Nakon rasprave u kojoj su učestvovali Esmir Brković, Rizama Tukulj i Elvira Imširović Bolić (koja je pročitala izjašnjenje Općine Novo Sarajevo u vezi sa ovim zakonima), donesen je **zaključak**:

- **Komisija smatra da postoji ustavni i zakonski osnov za izvršenjem odluka domaćih i međunarodnih sudova u vezi sa ovim problemom;**
- **Komisija predlaže Predsjedništvu Skupštine Saveza općina i gradova FBiH da podrži Zakon o prodaji stanova na kojima postoji stanarsko pravo i Zakon o izmjenama i dopunama Zakona o vraćanju, dodjeli i prodaji stanova;**
- **Komisija predlaže Predsjedništvu Skupštine Saveza općina i gradova FBiH sve primjedbe iz jedinica lokalne samouprave na ove zakone dostavi predlagaču.**

AD7. Zlata Turkić je informisala članove Komisije da je Ministarstvo pravosuđa i uprave Tuzlanskog kantona poslalo dopis u kome obavještava Savez da je provedena Javna rasprava o Zakonu o izmjenama i dopunama Zakona o pravobranilaštvu Tuzlanskog kantona u kojoj su učestvovali kantonalni i općinski pravobranionici, gradska i općinska vijeća sa područja Tuzlanskog kantona, te da je, nakon toga, održan zajednički sastanak sa kantonalnim i općinskim pravobranionicima na kojima su iznijete primjedbe i sugestije na Nacrt Zakona. Ministarstvo pravosuđa i uprave je, po okončanju javne rasprave, sačinilo Prijedlog Zakona o izmjenama i dopunama Zakona o pravobranilaštvu, prilikom čega su uvaženi opravdani prijedlozi i zahtjevi dostavljeni u toku javne rasprave, i isti uputilo u dalju proceduru.

AD8. Esmir Brković je napomenuo da je bitno da se razmotre primjedbe lokalnih zajednica sa područja Unsko-sanskog kantona u vezi sa Prijedlogom podzakonskih akata vezanih za Zakon o državnoj službi Unsko-sanskog kantona. Napomenuo je da bez ovih akata ne bi bilo moguće provoditi Zakon o državnoj službi ovog kantona. S obzirom da je Vlada Unsko-sanskog kantona već usvojila neke od ovih akata, a da su jedinice lokalne samouprave tog kantona dostavile zajedničke primjedbe Ministarstvu pravosuđa i uprave i Vladi USK, Komisija je donijela **zaključak:**

- **Komisija u potpunosti prihvata primjedbe, prijedloge i sugestije jedinica lokalne samouprave sa područja Unsko-sanskog kantona;**
- **Komisija predlaže Predsjedništvu Skupštine Saveza općina i gradova FBiH da ove primjedbe dostavi Ministarstvu pravosuđa i uprave i Vladi Unsko-sanskog kantona.**

AD9. U okviru ove tačke dnevnog reda nije bilo rasprave.

Sjednica je završena u 14,00

Zapisnik sačinila: Zlata Turkić

PREDSJEDNIK KOMISIJE
Esmir Brković